

291.63
7615u


ՄԻՒԵՋԸՆ

ՏԵԼՈՆ ՄԵՐՈՅ

Պ Ի Ո Մ Ի Թ.


ԽՆԵՄՕՒԹ ԸՍՏՈՒԾՈՅ ԳԵՆԵՆԵՅԵՊԵՏԻ

ՔԱՒՂՔ ԱՌ ԱՐԿԻԿԵԿԱԾԱ



1848.

291.63
7615u



Պ Ի Ո Ս Պ Ե Պ Թ



Ե Ռ ԻՔԵԻԵԼԵՅՍ

ԱՍՏ Երուսաղեմի տնտեսութեան առանց ինչ մերոց՝ արժանեացի գերադասն Եթու Առաքելոյն Պետրոսի ամբարձեալ, և զամենայն Եկեղեցեաց զհոգ յսնձն առեալ, անդտօին ՚ի սկզբանէ Վահանայ ապետութեան մերոց զսա մեր դարձուցաք առ զանազան Վրիստոս գաւան ազգս Երեւելից և սահմանակից գաւառացն յոր և իցէ սրբարողութենէ. առ որս ստիպումք տարածել զառանձին խնամս մեր ըստ բազում գլխոց : Վանդի յարեւելս Միածին Արդին Աստուծոյ վասն մեր մարդկան մարդ եղեալ երեւեցաւ յաշխարհի. և ՚ի ձեռքն կենաց, մահուան, և յարութեան իւրոց մեզ կեանս պարզեւել հաճեցաւ : Յարեւելս նոյն ինքն կենարար մեր, և ասրս աչս կերտք նորս ՚ի սկզբան անդ զԼեւտարանն լուսոյ և խաղաղութեան քարոզեցին. և անդէն բազում մեծահոգակ եկեղեցիք հիմնեալք Առաքելոց անտի պայծառ փայլեցան : Ասեւ գինի ժամանակահաց և ընդ դարս սրբութեամբ և վարդապետութեամբ ծաղկեցան յազգս արեւելից Եպիսկոպոսուք, Վկայք և այլ ևս արք հցսկապք յորս ընդ ամենայն աշխարհ մեծանուն հանդիսացան Իգնատիոս Մարտիրոս, Պօղոսարտոս Օմիւնացի, Վրիգոր Նեոկեսարցի, Վրիգոր Արևացի, Վրիգոր Ազգիանզացի, Աթանաս Եղեքսանդրացի, Բարսեղ Կեսարացի, Յովհաննէս Ոսկեբերան, Կիւրեղ Երուսաղեմացի, Կիւրեղ Աղեքսանդրացի, Վրիգոր Ալուսաւորիչ Հայաստանեաց, Կիրեմ Եսորի, Յովհաննէս Դամասկացի, և Առաքեալք Սաւաղոց Կիւրեղ և Մեթոսիոս Թող և զայլ անթիւարս որք և հեղմամբ արեան իւրեանց վասն Վրիստոսի, կամ իմաստ

տուն մատենագրութեամբ, և չնաչխարհիկ առաքինութեամբք առ
ամենեւին արժանի անմահ յիշատակաց համարեցան: Օփառու ա-
րեւելեաց առաւելուն նաեւ բազում ժողովք Եպիսկոպոսաց, մե-
նաւանդ սուալին Տիեզերական Սիւնհոդոսք գումարեալք յարեւե-
լըս, յորս Կաթուղիկէ հաւատք առաջնորդութեամբ Քահանայա-
պետաց Հռովմայ՝ ընդդէմ հնարից արանց որք նորաձեւս ինչ առ-
այնու ժամանակօք մուծանել ջանային, պաշտպանեցան և յայտ յան-
դիման վճռօք հաստատեցան: Եւ ՚ի վերջին ժամանակս իսկ, թէ-
պէտ և ոչ փոքր ինչ մասն արեւելեան Քրիստոնէից ՚ի բաց եկաց
՚ի հազորդութենէ սրբոյ Լ.Թռոյս, որով և ՚ի միութենէ Կաթու-
ղիկէ եկեղեցւոյ. և ազգք անձանօթք Քրիստոնէական կրօնից տի-
րեցին յարեւելոյ: Սակայն գտան անդ ոչ սակաւք ատաւիներալք ՚ի
զօրութիւն Լստուածային շնորհաց՝ յայտ յանդիման ցուցին զհա-
տատութիւն իւրեանց ՚ի ճշմարտութեան հաւատոյ, և ՚ի միութեան
Կաթուղիկէ եկեղեցւոյ ՚ի մէջ բազմադիմի նեղութեանց և եր-
կարատեւ տառապանոց այնց ժամանակաց: Եւ առանձին գովու-
թեամբ չխարեմք աստէն զանց առնել՝ զնոցին Հայրապետաց, զԿա-
խագահ Եպիսկոպոսապետաց, զՄ. րհիւսկոպոսաց, և զԵ-
պիսկոպոսաց, որք բազում ջանիւք խնամ տարեալ պահեցին զօրիս
իւրեանց ՚ի խոստովանութեան կաթուղիկէ ճշմարտութեան. և սո-
ցին խնամովք օգնականութեամբ բարձրելոյն ՚ի մեղմանալ դառ-
նութեան ժամանակացն գտաւ ՚ի նոսա ոչ սակաւ բազմութիւն հա-
ւատացելոյ՝ որք ՚ի Կաթուղիկէ միութեան հաստատուն մնային:

Երբ առ ձեզ յառաջ բան զամենայն դարձուցանեմք զբանս
մեր, Յարդոյ Եղբարք, սիրելի որդեակք, Կաթուղիկէ եկեղեցւոյ
Լուսնորդք, ուխտի մանկունք այլ և այլ կարգաց և աշխարհա-
կանք՝ որք ի սպառ հաստատուն կացեալք ՚ի հաւատս և ՚ի հազոր-
դակցութեան այսր սրբոյ Լ.Թռոյս, և կամ յետոյ ծանուցեալ ըզ-
սխալանս, գովելի առաքինութեամբ ՚ի նոյն եկեալ միացայք: Եւ
թէպէտ յառաջագոյն իսկ գրեցաք զգիր պատասխանեւոյ առ բազու-
մըս ՚ի ձէնջ՝ յորոց ընկալաք զթուղթս ուրախակցութեան ընդ հասա-
նել մեր ՚ի գերագոյն Լ.Թռ. Քահանայապետութեան, և միանդ ա-
մայն յիններորդում աւուր նոյեմբերի յամի 1846 առաքեցաք ըզ-
թուղթ մեր Տիեզերական առ ամենայն առաջնորդս Կաթուղիկէ ե-
կեղեցւոյ ընդ ամենայն աշխարհ: Բայց և այժմ ՚ի դէպ համարիմ,

սովին առանձին թղթով զխանդակաթ սէր և զննամս մեր՝ զոր ունիմք 'ի սրտի վասն ձեր, և վասն ձերոց պիտոյից, հաւատեալ ծանուցանել ձեզ: Եւ առ այս առ իժ բարեդէպ եղեւ մեզ ճանապարհորդութիւն Պատուական Եղբոր Սերոյ Իննովկենսիտի Արքեպիսկոպոսին Սիդենոյ՝ զոր հրեշտակութեամբ առաքեցաք 'ի Կոստանդնուպօլիս առ Բարձրագոյն Դուռն (Օսմանեանց) յանուն մեր ելանել առաջի հօր Ինքնակալի Տաճկաց, և շնորհս մատուցանել նմա 'ի դիմաց մերոց վասն առաքելոյ նորա յառաջագոյն զՊատգամաւոր իւր յողջոյն մեր: Եւ առանձինն պատուիրեցաք նոյն պատուական Եղբոր զձեզ և զամենայն գործս ձեր և Կաթուղիկէ եկեղեցւոյ 'ի մեծատարած տէրութեան անդ (Օսմանեանց, նոյն Ինքնակալին մեծաւ խնամով յանձն առնել: Եւ հաստատեալ եմք 'ի մոտ եթէ նոյն իսկ Ինքնակալն՝ որ ըստ ընդաբոյս մարդասիրութեան իւրոյ խնամէ զձեզ, մեծ և սքաղորութեամբ և սիրով ձերոց իրաց պաշտպան կացցէ, և ոչ թողուցու ումեր 'ի պատճառս Կաթուղիկէ հաւատոց նեղել զմի ոք 'ի հպատակաց իւրոց:

Նոյն ինքն Արքեպիսկոպոսն Սիդենոյ զմերոյ սիրոյն խնամս 'ի վերայ ձեր բազում և երկայն բանիւք յայտնի արասցէ հազեւոր առաջնորդաց և իշխանաց ազգաց ձերոց՝ որ ենն 'ի Կոստանդնուպօլիս, և ապա 'ի դառնալ նորին առ մեզ ըստ պատշաճի իրացն և 'ի դէպ ժամանակի գնասցէ և յայլ աշխարհս Արեւելոյ և ըստ պատուիրելոյ մեր այց արասցէ Աւղղափառ եկեղեցեաց ընդ այլ և այլ արարողութեամբ որք գտանին 'ի կողմնս այնոսիկ, և զամենայն Զարգոյ Եղբարս և զսիրելի որդեակս յանուն մեր սղջունեալ բազում սիրով խօսեսցի ընդ նոսա 'ի մխիթարել զնոսա:

Նա ինքն յանձնեոցէ 'ի ձեռս սոցա և այլոց և ս 'ի ձէնջ զայս թուղթ մեր, առ 'ի յայտ առնել ըստ յառաջագոյն ծանուցանելոյ մեր, զուր և զգութ մեր 'ի վերայ Աւղղափառ Աղգացդ, և ձեզ ամենեցուն հաւատեալ ծանուցանել եթէ չիք մեզ առաւել ցանկալի բաց միայն յառաջ տանել յաւէտ զբարի ձեր և Աւղղափառ կրօնի առ ձեզ: Սին իրի իբրեւ ըւ եղեւ մեզ հանդերձ այրովք և ոյս եւս, եթէ 'ի պատճառս տառապանաց անցեալ ժամանակացն գտանին յեկեղեցական տնտեսութեան ազգաց ձերոց ինչ ինչ տակալին անորոշ, վասն որոյ Առաքելական իշխանութեամբ մերով սրտի մտօք կամեցաք նպաստ լինել ըստ Արբա-

դան կանոնաց , և ըստ կորգաց Արքոց Հորց բարուք յարդարել
զամենայն և 'ի կարգի դնել , բայց ըստ ամենայնի կամփմբ անխոփոխ
պահել զբեպհական ուղղափառ ծիսարանս եկեղեցական պաշտա
մանց ձերոց , զորս մեր իրաւամբ պատուեմք , թեպէտ և իցեն զա
նազանեալք յիրո ինչ 'ի ծիսարանից ըստինացւոց : Բանօղի և Նա
խորդք մեր զնոյն ծիսարանս եկեղեցական պաշտամանց ձերոց վա
սըն կարի իմն հնութեանց իւրեանց մեծարեալ 'ի պատուի ունե
ին . և գրեալ իսկ են 'ի լեզուս որով նոքին իսկ Մարտեալք և ա
ռաջին հարք վարէին , և որ 'ի նոսա կարդաւորութիւնք և պաշտամունք
են , մեծարացծառ շքով , և փառաւորութեամբ կատարին , և այ
նու բարեպաշտ հաւաքացեալքն առուել ևս փութան 'ի մեծա
րել զՆստուածեղէն խորհուրդս : Օ մեծարանաց՝ զոր ունի Մարտե
լական Մթառն առ Աւղղափառ վիրս պաշտամանց Արեւելեան ե
կեղեցեաց , վիպին բազում վճիռք , և սահմանադրութիւնք Բա
հանայապետացն Հռովմոյ առ Ք պահել զնոսա անաբատ և անխո
փոխ :

Շատ լիցի աստէն միայն յիշել զՄարտեական թուղթս Նախ
նոյն մերոյ Բենեդիկտոսի չորեքտասաներորդի , մանաւանդ զայն
թուղթ որ սկսանի « Պատմեցան » գրեալ 'ի 26 Յուլիսի , 1755 (1)
վասն այնորիկ 'ի գալ արեւելեան քահանայից յարեւմուտս ոչ միայն
համարձակութիւն է նոցա ազգային բուն արարողութեամբ իւր
եանց կատարել զպաշտամունս յեկեղեցիս ըստինացւոց , այլ և գը
տանին յայլ և յայլ տեղիս մանաւանդ 'ի Հռովմ քաղաքի եկեղե
ցիք շինեալք առանձին 'ի պէտս նոցա : Են և անդ վանորայք ընդ
արեւելեան արարողութեամբ և հիւրանոցք վասն նոցա : Անգ
նեալ են ևս դպրոցք ուր որդիք արեւելեան ազգաց առանձինն
կամ ընդ այլ յաւմունս և 'ի սրբազան գիտութիւնս վարժեալ , և
եկեղեցական կարգօք հրահանգեալ , ապա յիւրաքանչիւր ազգս գը
նացեալ զպաշտամունս եկեղեցւոյ կատարել մարթապին : Եւ թե
պէտ ոմանք յայսց տեղեաց վասն տառապանաց յետին ժամանակաց
բարձան 'ի միջոյ , բայց են ևս դպրոցք որք մինչեւ ցայժմ ծաղկեալ

(1) ք . Հատոր կոնտակաց Բենեդիկտոսի Ժդ . թիւ 47 : Են և այլ եւս սահմանադրու
թիւնք նոյն Քահանայապետին վասն այս իրաց յա . հատոր նոյն մատենի կոնտակաց թիւ
87 . ևւ յգ . հատոր թիւ 46 :

արայծառանան, որով հաւատեալ տեսանէք Յարգոյ Եղբարք, և սիրելի Արդեակք, և թէ որպիսի մարդասիրութեամբ խնստ ունի Մ. ռաբեղական Ղահն վան ձեր, և վան ձերոց պիտոցից: Մ. յս ևս յայտնի է ձեզ Յարգոյ Եղբարք և սիրելի Արդեակք, և թէ վան խնամ տանելոյ հոգեւոր պիտոցից ձերոց օգնէ մեզ և ձեռնառ լինի ժողով բազում Կարգինալաց Հռովմէական սուրբ եկեղեցւոց որ անուանի ժողով վան տարածութեան հաւատոյ: Կաւել այլ եւս արք բազումք և թէ Հռովմայեցիք, և և թէ եկք բնակեալք ՚ի մեծի քաղաքի աստ խնամ տանին և ջանան բարիս առնել և օգնել ձեզ:

Մին իրի ոմանք ՚ի լատինացւոց, և ՚ի ձերոց ևս արեւելեան Եպիսկոպոսաց, և այլ ևս արք երկիւղածք և աստուածապաշտք զարդիս խորհուրդ արարին հաստատել բարեպաշտ խնն ընկերութիւն որոյ գործ և պաշտօն այս ինչ է. ընդ հովանեալ վերոյնընդարձ ժողովոյ մերոյ հանապազօրեայ սրբանուէր աղօթիւք հանգանակել լով դրամն ինչ և այլովք ևս նպատիւք ձեռնառ լինել ՚ի պայծառութիւն Ուղղափառ հաւատոց և ՚ի զարգացումն նորին ՚ի միջի ձերում: Եւ ՚ի ծանուցանել նոցա մեզ զայս բարեպաշտական խորհուրդ մտաց իւրեանց՝ գովեալ զայն հաստատեցաք, և յորդորեցաք զնոսա վաղվադակի ձեռն ՚ի գործ արկանել:

Դարձուցանելք արդ զբանս մեր առանձինն առ ձեզ Յարգոյ Եղբարք, ուղղափառ Մ. ռաջնորդք ասեմ արեւելեան եկեղեցեաց, և գովեալ վերստին զձեր և զձերոց եկեղեցականաց զբարեք նախանձն ՚ի կատարել զաստուածային պաշտամունս եկեղեցւոյ, սովին թղթով ևս քան զևս յորդորելք և քաջալերելք զձեզ արիաւնալ յառաքինութիւնս: Եւ արգ աղաչելք զձեզ ՚ի Տէր Աստուած մեր՝ ապաւինեալ լեզնաւոր օգնականութիւն նորա մեծաւ լըջ մրտութեամբ ՚ի պահպանութիւն սիրելի խաչանցդ հսկեցէք և մի դադարեցիք լուսաւորել զնոսա բանիւ և օրինակաւ առ ՚ի գնալ նոցա ՚ի հաճոյս Աստուծոյ յամենայնի և յամենայն գործս բարիս արգասաւորեալք: Եւ պատուէր տալիք Արիցանց որք ընդ ձերով իշխանութեամբ են, կանխել ՚ի նոյն զուարթ մտօք, մանաւանդ որք զհոգ հոգւոց յանձն առեալ իցեն, սիրել զվայելութիւն տան Աստուծոյ, արծարծել զեռանդն բարեպաշտութեան ժողովողեանն պաշտել սրբութեամբ զսուրբ խորհուրդս, մի անսխալ առ

նել զարովք և ս գործովք պաշտամանց իւրեանց , այլ յառանձին
իմն փութով խնամ տանել 'ի հրահանգել զմանկունս յառաջին ըս
կըղբունս Վրիստոնէական վարդապետութեանց և զամենայն հա
ւատացեալ ժողովուրդս յարօտս Աստուածեղէն բանից արածել
ըստ կարի նոցա դիւրին և հեշտընկալ գործերով զբանսն . բայց և
նոցս և ձեզ պարտ և պատշաճ է բազում փութով և հոգաբար
ութեամբ խնամ տանել զի ամենայն հաւատացեալք փութացին
պահել զմիաբանութիւն Հոգւոյն յօգիւն խաղաղութեան գոհա
ցողք լեալ զԱստուածոյն յուսոյ և զՀօրէն գթութեանց զի յայնչափ
վտանգաց միջի շնորհօք նորս հաստատուն մնացին 'ի կաթողիկէ
միաբանութեան միոյ եկեղեցւոյն Վրիստոսի , և կամ դարձեալ 'ի
նոյն եկեալ մտին ուր այլք 'ի ժողովրդենէ նոցա դեռ արտաքոյ
այնր միոյ Վաւթին Վրիստոսի մնորեալ թափառին , յորմէ Հարք
նոցա դժբաղդութեամբ բաժանեալ արտաքս ելին : Երդ՝ անմարթ
է մեզ չխօսիլ զբանս սիրոյ և խաղաղութեան և առ այն արեւել
եան հաւատացեալս Վրիստոսի՝ որք 'ի հաղորդութենէ այս սրբ
բոյ Աթոռոյ Պետրոսի հեռացեալ են : Բանդի սէրն Վրիստոսի ըս
տիպէ զմեզ ըստ խրատու և օրինակի նորս 'ի խնդիր ելանել օդ
եացն մնորեղոց ընդ անկոխ և ընդ խիստ ճանապարհ , և փութալ
հասանել յօգնութիւն տկարութեան նոցա առ 'ի ժողովել 'ի փա
րախ Տէրունեան հօտին :

Երդ լուարուք զբանս մեր դուք ամենեքեան որք յարեւելս
և 'ի սահմանակից աշխարհս յանուն Վրիստոսի պարծիք , բայց ոչ
ունիք հաղորդակցութիւն ընդ Հռովմէական սուրբ եկեղեցւոյ , և
աւանձինն դուք՝ որք 'ի մէջ սոցա Աստուածային պաշտամանց ըս
պասաւոր կարգեալ էք , կամ 'ի գերագոյն պատիւս Եկեղեցւոյ ամ
բարձեալ այլոցն ամենեցուն Առաջնորդք գտանիք : Եւ շ լիցին ձեզ
նախնի հանգամանք եկեղեցեաց ձերոց յորժամ ընդ միմեանս և
ընդ այլ եկեղեցիս ուղղափառ աշխարհաց միոյ յօգիւ կապեալ է
ին . և զայն ևս ածջիք զմտաւ եթէ 'ի բաժանմանէդ որ եղել յե
տոյ շահեցայք և ոչ մի ինչ , որով և ոչ միայն ընդ արեւմտեան ե
կեղեցւոյ , այլ և ոչ ընդ միմեանս կարող եղէք պահել զառաջին մի
ութիւն վարդապետութեան և Աստուածային առաջնորդութեան :

Եւ շ լիցին ձեզ բանք հանգանակին հաւատոց՝ յորում ընդ
մեզ հաւատայք և դուք՝ 'ի մի միայն սուրբ կաթողիկէ և Առա

քերական Լիկեղեցի», և աստէն նկատեալիք և եւս թէ յայնչափ բա-
ժանմուննս եկեղեցեաց ձերոց գտանիցի՞ արդեօք սոյն այս Կաթու-
ղիկէ միութիւն սուրբ և Առաքելական Լիկեղեցւոյ : 'ի մերժելն
ձեր՝ թէ միութիւնն այն չէ 'ի հաղորդակցութեան Հռովմէական
եկեղեցւոյ , ընդ որով բազում այլ եկեղեցիք՝ որք 'ի սփիւռս տի-
եզերաց գտանին , միշտ 'ի միմարմին զօրեցան և զօրին : Յայտ լլցի
ձեզ եթէ զմիութիւնն՝ որով պայծառանայ Կաթուղիկէ եկեղեցին .
յայտ առնէ այն բան Յովհաննու Աւետարանչի (1) որով Քրիստոս
միածին Որդին Աստուծոյ վասն աշակերտաց իւրոց աղաչէր զՆայր
իւր զայս օրինակ , « Նայր . սուրբ պահեա զնոսս յանուն քո , որով
» ետուրն ինձ . զի եղիցին մի , որպէս և մէք մի եմք : Եւ ապա
» յաւերու և ասէ : Այլ ոչ վասն նոցա միայն աղաչեմ , այլ և վա-
» սըն ամենայն հաւատացելոց բանիւն նոցայիս . զի ամենեքին մի
» եղիցին , որպէս դու հայր յիս՝ և ես 'ի քեզ . զի և նոքա 'ի մեզ ի-
» ցեն : Օ ի և աշխարհ հաւատացէ , եթէ դու առաքեցեր զիս :
» Եւ ես զփառսն զոր ետուր ինձ՝ ետու նոցա զի իցեն մի՝ որպէս
» և մէք մի եմք , ես 'ի նոսս , և դու յիս . զի եղիցին կատարեալք
» 'ի մի : Եւ գիտասցէ աշխարհ եթէ դու առաքեցեր զիս . և սիրե-
» ցի զնոսս որպէս դու զիս սիրեցեր » :

Ես ինքն կենարարն մեր Քրիստոս այսր միոյ միայնոյ եկեղեց-
ւոյ իւրոյ զհիմն , զոր դրունք դժոխոց մի յաղթահարեացեն , եղ 'ի
վերայ Պետրոսի Վիշոյն Առաքելոց , որում ետ և դիականա արքա-
յութեան (2) և վասն նորա աղաչեաց , զի մի պահասեցին հաւատք
նորա , հրաման ևս տուեալ նմա հաստատել զեղբարս իւր , (3) և
միանդամայն յանձն արար նմա արածել զգառինս և զոչխարս իւր
(4) . ուստի և զբովանդակ իսկ զեկեղեցի իւր՝ որ առակ օրինա-
կի էր ճշմարիտ գառանց և ոչխարացն Քրիստոսի : Եւ այս ամե-
նայն հայի 'ի Բահանայապետս Հռովմայ 'ի յաջորդս Պետրոսի . քան
զի զհիւ մահուան նորին իսկ Պետրոսի հիմունք եկեղեցւոյ՝ որ մին-
չեւ ցկատարած աշխարհի ունի տեւել , մի սասանեցին , յորոյ
վերայ կանգնեաց զայն Քրիստոս : Սին իսկ եղիսկոստան Լուգ-
դոնացւոց սուրբն Երանոս աշակերտ սրբոյն Պաղիարպոսի աշակեր .

(1) Յովհ. Ժէ. 11. 20. 23 : (2) Մատթ. Ժգ. 18. 19 .

(3) Դբւհ. իբ. 32 : (4) Յովհ. իա. 15 :

տին Յովհաննու Առաքելոյն՝ զոր արեւելեայք և արեւմտեայք յառաջին դարս Վրիստոնէութեան 'ի կարգս մեծամեծ արանց դասուն իբրեւ կամէր զվարդապետութիւնն աւանդեալ յԱռաքելոց անտի ընդդէմ հերետիկոսաց իւրոյ ժամանակին յանդիման առնել, աւելորդ վարկաւ զյաջորդութիւնս ամենայն եկեղեցեաց հաստատելոց Առաքելոցն Վրիստոսի մի ըստ միջէ 'ի թիւ արկանել, այլ հաստատեաց, եթէ բաւական համարի ընդդէմ նոցա միայն զվարդապետութիւն Հռովմէական եկեղեցւոյն յառաջ բերել, քանզի ասէր (1), ընդ ամս վասն իւրոյ Վահեբեց Վլխաւորութեան ամենայն եկեղեցեաց, այս է համօրէն հաւատացելոց՝ որ ընդ ամենայն աշխարհ, հարկ 'ի վերայ կայ միաբանել, քանզի ամենայն աւանդութիւնք Առաքելոց պահեցան յամենայն հաւատացելոց՝ որք ընդ ամենայն աշխարհ 'ի նմին եկեղեցւոյ են :

Վիտեմք եթէ ամենեցուն ձեր փոյթ և ջանք այն է, 'հաստատուն կալ 'ի վարդապետութիւնս Նիսինեաց ձերոց, զհետ երթալ Նիսինի Առաջնորդաց և համօրէն հաւատացելոց արեւելեան կողմանց, զորոց վկայեն անթիւ յիշատակարանք, եթէ նոքա միաբանք և համամիտք էին ընդ արեւմտեայս 'ի սրտուել զիշխանութիւն Վահանայապետաց Հռովմայ : Արդ բաց 'ի վկայութենէ Արանոսի՝ զոր 'ի վեր անդր յիշատակեցաք, աստէն 'ի մէջ բազում վկայութեանց արեւելեայց 'ի հաստատութիւն ճշմարտութեանս, ոչ ինչ դանդաղիմք յառաջ բերել զպատահեալն 'ի չորրորդ դարու Ալեկեղեցւոյ 'ի դատաստանի անդ Աթանասայ Աղէքսանդրիոյ Հայրապետի առն երեւելոց 'ի սրբութեան, 'ի վարդապետութեան, 'ի հովուական բարի նախանձու : Սա յարեւելեան Ապիսկոպոսաց ոմանց, մանաւանդ 'ի ժողովն Տիւրոսի անիրաւութեամբ դատապարտեալ և յեկեղեցւոյ իւրմէ արտաքսեալ եկն 'ի Հռովմ, ուր ընդ նմա եկին յարեւելից այլ եւս Ապիսկոպոսունք հարածեալք յանիրաւի Աթոռոց իւրեանց . « Եւ Ապիսկոպոսն Հռովմայ (որ էր նախորդ մեր » Յուլիոս) ծանուցեալ իւրաքանչիւրոց նոցա զդատաստան, և տեսեալ զամենեսին հաստատուն 'ի վարդապետութիւնս Արկիական հաւատոյ, և միաբան 'ի կարծիս իւր, ընկալաւ զնոսա 'ի հաղորդութիւն իւր : Եւ քանզի վասն գերագահութեան Աթոռոց իւ-

(1) Երանոս, ընդդ. հերետ. գիրք. Գ. գլ. 7 :

որոյ հոգ ամենայն եկեղեցեաց նմա գորով պատկանեալ՝ դարձայց
 « անդրէն զնոսս յԼԹՈՍ իւրեանց : Գրեաց և Թուղթս առ արե-
 « ւելեան Լպիսկոպոսունս , կշտամբեալ զնոսս , զի 'ի դատաստանի
 « անդ Լպիսկոպոսաց այնոցիկ ոչ ուղղութեամբ դատ արարին , և
 « զվիճակ եկեղեցւոյն խռովեցին » (1) : Նոյնպէս և 'ի սկզբան հին-
 գերորդ դարու Յովհան Ռսկեբերան Հայրապետ Կոստանդնուպոլս-
 սոյ այր մեծանուն և երեւելի 'ի Քաղկեդոն 'ի ժողովի՝ որ առ
 Կաշնեալ կոչի , դատասարտեալ , իբրեւ Թուղթս և հրեշտակս
 առ այս Ըռաքելական ԸԹՈՒ առաքեաց , յայնժամ Նախորդն մեր
 սուրբն Իննովիենտիոս առաջին յայտնեաց ամենեցուն զանմեղու-
 թիւն նորա : (2)

Միւս ևս հաստատութիւն մեծարելոյ Նախնեաց ձերոց զիշ-
 խանութիւն Քահանայապետաց Հռովմայ գտանի 'ի ժողովն Քաղ-
 կեդոնի՝ յորում ժողովեցան յամին 451 , Լպիսկոպոսունք Թուով
 իբր վեց հարիւր՝ յորոց բազումք , բաց 'ի սակաւուց ոմանց , յարե-
 ւելից էին . յնթեռնուլ անդ զԹուղթն | Եւոնի մեծի | Քահանա-
 յապետին Հռովմայ յերկրորդ գումարման անդ ժողովոյն , ամե-
 նայն Հարք միաբան աղաղակեցին « Պետրոս բերանով | Եւոնի այս-
 պէս խօսեցաւ » : Յետոյ իբրեւ գահերեցութեամբ Հրեշտակաց
 Քահանայապետին վախճան եղել ժողովոյն , նորին Հարք 'ի յայ-
 տարարութեան անդ առ | Եւոն սսեն , եթէ նա ինքն 'ի ձեռն
 Հրեշտակաց իւրոց 'ի ժողովի անդ « Իբրեւ Գլուխ անդանոց գահ-
 երեց եղել » : (3)

Երդ ոչ միայն 'ի յիշատակարանաց անտի ժողովոյն Քաղկեդո-
 նի այլ և 'ի պատմութենէ այլոյ Նախնի Սիւնհադոսաց արեւելից
 մարթ էր բազում այլ յիշատակս և վկայութիւնս յառաջ բերել՝

(1) Այս բանք են Սոգոմենոսի . պատմ. եկեղ. գիրք . գ . 41 . Ը : Չայտմանէ երկայն
 բանիւք գրէ ինքն Աթանաս հայրապետ 'ի պատասխանատուութեան իւրում ընդդէմ
 Աբիմասաց :

(2) Չայտմանէ գրեաց Ռսկեբ . կրկին Թուղթս առ Իննովիենտիոս որք Թղթովքն հան-
 դերձ՝ զոր սոյն Քահանայապետն գրեաց առ Ռսկեբերան . առ եկեղեցականս , առ ժող-
 վուրդն Կոստանդնուպոլսոյ գտանին յգ . հասոր մատենից Ռսկեբերանի , տպագրեալ 'ի
 Մաուրինեանց . երես . 515 . և այլն :

(3) գործ ժողովոյ տպագրութիւն Լարբետի 'ի վենետիկ , հատ . դ . երես . 1255 և
 1755 :

յորոց յայտնի երեւի, եթէ Քահանայապետք Հռովմայ 'ի Սիւնոս գոսս՝ մանաւանդ 'ի Տիեզերական զառաջին տեղի ունէին, և թէ հաւանութիւն և հաստատութիւն յառաջ և զինի ժողովոցն՝ զնոցանէ կախեալ կային: Ասել բաց 'ի ժողովոց հնար էր մեզ բազում և այլ վիպութիւնս 'ի սրբոց Հարց, և 'ի Ասիսնի արեւելեան Սատենադրաց յառաջ բերեալ, յորս մարթ է տեսանել թէ Ասիսնիք ձեր որչափ յարդէին միշտ զիշխանութիւն Քահանայապետացն Հռովմայ ընդ ամենայն արեւելս: Այլ վասն կարի իմն երկարութեան, և զոր յառաջ բերաք բաւական ին 'ի ճշմարտութիւն բանից մերոց, յաղազս որոյ իբրեւ կնիք և հաստատութիւն ամենայնի յիշեսցուք աստէն՝ զոր ինչ 'ի հնումն գործեցին հաւատացեալքն 'ի Կորնթոս, այս է 'ի ժամանակս Առաքելոց, 'ի հակառակութիւնս, որովք եկեղեցի նոցա մեծապէս խռովէր: Քանզի Կորնթացիք զանցս խռովութեանցն այնոցիկ 'ի գիր անցուցեալ 'ի ձեռն Փորտունատեայ առաքելին զթուղթ իւրեանց առ սուրբն Կղեմէս որ սակաւ ամօք զինի մահուան սրբոյն Պետրոսի եկաց Աթոռ Քահանայապետութեան եկեղեցւոյն Հռովմայ, որոյ ընկալեալ զայն թուղթ և զգուշութեամբ քննել զիրսն, գրեաց նոցա պատասխանի և առաքեաց 'ի ձեռն նոյն Փորտունատեայ, ընդ որում յղեաց և զհրեշտակս իւր զՎղողիոս Լսիբբոս, և զՎաղերիոս Վիտոն, որք բերին 'ի Կորնթոս զհռչակաւոր թուղթն զայն սրբոյ Քահանայապետին Հռովմայ (1), որ և եթէ առ Կորնթացիս, և եթէ առ այլ արեւելեայս այնպէս մեծարոյ եղել մինչեւ 'ի յետին ժամանակս 'ի բազում եկեղեցիս ընթեռնուլ հրապարակաւ: (2)

Արդ վասն այդր ամենայնի յորդորեմք զձեզ, և աղաչեմք անյապաղ և վաղվաղակի գալ 'ի մի միաբանութիւն այսր սրբոյ Աթոռոյ Պետրոսի՝ յորոյ վերայ ետ Քրիստոս զհիմն ճշմարիտ եկեղեցւոյն իւրոյ, որպէս ցուցանեն աւանդութիւնք Ասիսնեաց ձերոց և այլ ևս առաջին սրբոց Հարց, և բանք Քրիստոսի Տեառն մերոյ զորս 'ի վերան գր յիշատակեցաք: Աւ չէ իսկ մարթ կալ 'ի հաղորդակցութեան մի

(1) Այս թուղթ սրբոյն Կղեմայ գտանի 'ի մատենադարանի նախնի հարց, զոր տպագրեաց Կալլանտիոս 'ի Վէնետիկ. հատ. ա. էր. 9 և այլն:

(2) Եւսեբիոս 'ի պատմ. եկեղ. գիրք. 4. գլ. 16. և Դիոնետիոս եպիսկոպոս կորնթացւոց. զորոյ վիպութիւն 'ի մէջ բերէ նոյն Եւսեբ. գիրք. 4. գլ. 23:

ոյ սուրբ Կաթողիկէ և Առաքելական եկեղեցւոյ որոց միանգամ
կամիցին բաժանիլ 'ի հաստատութենէ Վիմին՝ յորոյ վերայ Աստ.
ուած շինեաց զեկեղեցի իւր : Եւ չիք ինչ պատճառք դանդաղելոյ
ձեր գալ 'ի մի միաբանութիւն ճշմարիտ եկեղեցւոյ , և 'ի հաղորդակցութիւն սրբոյ Աթոռոյս : Քանզի գիտէք իսկ եթէ 'ի սէր խոստովանութեան ճշմարիտ հաւատոյ և վարձուց յաւիտենական կենաց չիք ինչ բնաւ խիստ և դժուարին , որում չիցէ մեզ մարթ համբերել վասն փառացն Քրիստոսի : Այլ մեք ըստ կարի վկայեմք և հաստատեմք եթէ 'ի վաղուց հետէ եղեալ եմք 'ի մտի 'ի դառնալ ձեր 'ի հաղորդակցութիւն մեր ոչ միայն չունել 'ի վերայ ձեր բեռն ինչ 'դժուարակիր այլ և ըստ ընդաբոյս մարդասէր բնաւորութեան այոր սրբոյ Աթոռոյ բազում սիրով և հայրական քաղցրութեամբ գիրկս արկանել ձեզ : Աւստի և սահմանեմք մի ինչ աւելի բեռն դնել 'ի վերայ ձեր , բայց միայն 'ի կարեւորացս այսոցիկ այս է՝ 'ի դառնալ ձեր 'ի մի միաբանութիւն , և ընդ մեզ համամիտք , և միաբանք 'ի խոստովանութեան ճշմարիտ հաւատոց ըստ Կաթողիկէ Եկեղեցւոյ , ունել զհաղորդութիւն ընդ Եկեղեցւոյն , և ընդ այս Գերագոյն Աթոռոյ Պետրոսի : Սմին իրի յարարողութեանց անտի ձերոց զայնտիկ միայն պարտ է 'ի բաց թողուլ , որք 'թերեւս հաւառակ Ազգափառ հաւատոյ , և միութեան Կաթողիկէ Եկեղեցւոյ 'ի ժամանակի բաժանման անդ սպորդեալ մտին : Բայց 'ի սոցանէ նախնի արեւելեան ծիսարանք ձեր հաստատուն և անփոփոխ պահեցին , զորս ըստ Աստուծոց մերոց և մեք նոյնպէս մեծարեմք վասն պատուական հնութեան նոցա , և վասն արծարծելոյ և եւս զեռանդն Աստուածապաշտութեան որպէս 'ի վեր անդր ասացաք :

Եւ եւս հաստատեալ եմք 'ի մտի զնոյն սէր ցուցանել պաշտօնելից եկեղեցւոյ , Քահանայից , և Առաջնորդաց ազգացն այնոցիկ եկելոց 'ի մի միաբանութիւն Կաթողիկէ Եկեղեցւոյ , զոր օրինակ Աստուծոց մեր յառաջին և 'ի վերջին ժամանակս յայտնի ցուցին , այսինքն զամենեսին զնոսա յառաջին իշխանութեան և 'ի պատուի իւրեանց ունելով , ըստ ամենայնի նորք հովուեսցուք զժողովուրդս իւրեանց 'ի պահպանութիւն և 'ի պայծառութիւն Կաթողիկէ Եկեղեցւոյ , որպէս զարդիս յարեւելք ընդ Ազգափառ եկեղեցիս վարիմք :

Արդ թէ զուխտի մանկունս , և թէ զաշխարհականս եկեալս

ի մեր հաղորդակցութիւն իբրեւ զայլ արեւելեան Ուղղափառ ժողովուրդս մարդասիրութեամբ ընդգրկեսցուք . նա մանաւանդ ցանկալի է մեզ՝ սոցա և նոցա միօրինակ հանապազ բազում բարիս առնել :

Արդ նա ինքն բարձրեալն Աստուած՝ որոյ գթութիւնն է անբաւ , տացէ զօրութիւն բանից մերոց , և օրհնեսցէ զձանս և ըզվաստակս Աղբարց և Որդւոց մերոց , որք մեզք հանդերձ խնամ տարեալ հոգան ՚ի փրկութիւն հոգւոց ձերոց , և զմերս նուաստութիւն մխիթարութեամբ ուրախ արասցէ ՚ի ցուցանել մեզ զնորոգումն կաթուղիկէ միութեան յարեւելեան ազգս Քրիստոնէից , որով կարող լիցուք առ ՚ի առաւել ևս տարածանել զճնարիտ հաւատս Քրիստոսի նաեւ՝ յազգս անձանօթս ՚ի նմանէ : Այլ մէք ոչ դադարեմք զսոյն զայս ՚ի Հօրէն Առաջ , և յԱստուծոյն ողորմութեանց ՚ի ձեռն Որդւոց իւրոյ միածնի և Փրկչին մերոյ ամենայնազօթիւք , և խնդրուածովք հայցել : Այլ դմին իրի խնդրեմք ըզպաշտպանութիւն սրբոյ կուսին Մարիամայ և սրբոց Առաքելոց , Մարտիրոսաց , և սրբոց Հարց՝ որոց քարոզութեամբ , արեամբ , առաքինութեամբք , և մատենագրութեամբք ճշմարիտ հաւատք Քրիստոսի սփռեցան յառաջագոյն իսկ յարեւելս և պահպանեցան :

Այլ ցանկանալով ցանկամբ յուրախութիւն սրտից մերոց տեսանել զձեզ ՚ի մի միաբանութեան կաթուղիկէ Այկեղեցւոյ , և օրհնել զձեզ իբրեւ զճնարիտ զԱղբարս և Որդիս մեր : Այլ այժմ՝ ամենայն համօրէն Ուղղափառ Հայրապետաց Ասիական Ապիսկոպոսաց , Արքեպիսկոպոսաց , Ապիսկոպոսաց Այկեղեցականաց և Աշխարհաւանաց որք յարեւելս և ՚ի սահմանակից տեղիս իցեն , զխանդակաթսէր մեր յայտ արարեալ սիրալիր գթովք շնորհեմք ամենեցուն զԱռաքելական Օրհնութիւն մեր :

Տուեալ ՚ի Հոռոմ ՚ի Մարիամ Մայրս :

Ի վերջորդ աւուր յունվար ամսոյն 1848 : Յերկրորդ ամի
Քահանայապետական մերոյ :

ՊԻՈՍ ՊԵՊ Թ .



